



贛縣志卷一

地理志

星野

二十六年徵集之書

贛州幅員近千里屬豫章古揚州域也春秋爲吳越復并於楚其分星則牛斗之墟而要以斗分爲正分攷明一統志廣輿記及各邑志皆同第入斗幾度其說各歧據二十八宿分野圖說斗六星二十五度贛州入斗十二度雖分郡甚晰然與天文諸書九江入斗一度豫章入斗十度之說又相徑庭矣惟前邑志據內版開方圖道里計之南昌入斗十度則贛當在八度南昌入斗八度則贛當在六度說雖異而據圖直指視諸說爲核故並採之以備參考焉

星紀吳越也(鄭康成周禮註)

二十八舍主十二州斗柄兼之所從來久矣吳楚之疆候在熒惑占於鳥衡(史記天官書)

贛縣志

卷一

星野

一

斗江湖牽牛婺女揚州(天官書)

吳地斗分野也今之會稽九江丹陽豫章廬江廣陵六安臨淮郡盡吳分也(漢書地理志)

斗玉衡第六星主揚州常以五巳日候之乙巳爲豫章(後漢書天文志)

自南斗十二度至須女七度爲星紀於辰在丑吳越分野屬揚州(晉書天文志)

北斗七星魁一星主楚四主吳五車東南星主楚歲星主齊吳熒惑主楚吳越以南(同上)

九江入斗一度廬江入斗六度豫章入斗十度(同上)

南斗第四星曰天相主豫章(同上)

斗牽牛星紀也初南斗九度餘千四十二秒十二太中南斗二十四度終女四度自廬江九江負淮水南盡臨淮廣陵至於東海又逾南河得漢丹陽會稽豫章西濱彭蠡南涉越門迄蒼梧南海逾嶺表自韶廣以西珠崖以東爲星紀之分也古吳越郡舒廬桐六蓼及

東南百越之國南斗在雲漢下流當淮海間爲吳分牽牛去南河浸遠自豫章迄會稽南
逾嶺徼爲越分(新唐書天文志)

按此說與晉志異以星宿有推移也

三台上台下星主荆揚天市垣東蕃十一星南第六星曰吳越西蕃十一星南第二星曰
楚(宋史天文志)

北方南斗六星南星者魁星也北星杓也石申曰魁第一主吳二會稽三丹陽四豫章五
廬陵六九江(宋志)

十二國十六星自東數第十五星曰楚有變動各以其國占之(宋志)

吉州北極出地二十六度半(元史天文志)

斗四度三十六分六十六秒外入吳越星紀之次(元志)

九江入牛五度豫章入斗十度(千大吉天祕書)

江西布政司所屬皆斗分(明史天文志)

贛縣志

卷一

星野

二

赤道宿度斗二十四度二十四分黃道宿度二十三度五十一分赤道交宮宿度箕三度
零七分入星紀斗二十四度二十一分入元枵黃道交宮宿度箕四度一十七分入星紀
牛一度零六分入元枵(同上)

按天體渾圓赤道橫分南北二極之中當穹窿處爲天之腹故其度最廣黃道南北二
至去赤道各二十四度去二極各六十七度近極則度狹自然之理其交宮宿度則黃
道斜躔處九徑則度直而均斜則有狹有廣也

江西北極出地二十九度(同上)

此與元史吉州出地過二度有半不讎豈就地平測之而吉州地居高以二百五十里
爲一度計之則吉州高於江西六百二十餘里乎贛州高於吉安又不知當幾度也

南昌饒州廣信甯康建昌撫州臨江吉安瑞州袁州贛州南安天文斗分野九江斗牛分
野(明一統志)

贛州天文斗分野(廣輿記)

通志云攷天文諸書及各郡舊志類皆沿習異同不能分晰各度乃蒐求遺書獲殘卷一帙二十八宿分野之圖說僅存云斗六星二十度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度雖分郡甚晰然與九江入斗一度豫章入斗十度之說又相徑庭豈氣數遷移古今懸隔不相符合一至此乎

論曰江西地皆斗分而贛州之度則無攷也以今內板開方圖之道里計之贛州北抵吉安徑四百里抵南昌七百里依今圖格每度徑二百里豫章入斗十度則贛似當在十二三度間然而非也天文有經度緯度之分南北相去爲緯度東西相去爲經度北極出地三十六度南極入地三十六度此緯度縱計者也斗自魁四星起底牛之中星九二十四度此經度橫計者也合經緯二度而斜度含於其間分野當以經度計繩以直線則贛州直南昌之西祇三百里惟差度半耳南昌入斗十度贛當在八度南昌入斗八度贛當在六度(又攷)吉州北極出地二十六度江西北極出地二十九度此特

贛

縣志

卷一

星野

三

因地平所見之高卑而言不如今之內板地圖直以中國地域去南極之遠近測之贛州去南極二十六度江西去南極二十九度最爲明晰其經度則以直隸京城爲中界立中線以判東西中線以東爲東度中線以西爲西度江西之建昌正當中線之旁贛州倚西四百里正當中線西二度間此可據圖直指無庸鑿空臆擬者也